

惜
抱
軒
詩
集

惜抱軒詩集八

今體八十六首

雄縣咏周世宗

世宗北伐志猶勤山後寧容地剖分天意自畱耶律氏
人心俄變殿前軍五朝庶見真神武再世何難嗣守文
反覆興亡無處問瓦橋關外又斜曛

平原咏東方生

陸戟千官列衣冠九尺豪滑稽通強諫辭賦變離騷車
就公孫借家令少婦操惟羞齒編貝長對口無毛

去歲吾邑喪葉花南庶子今秋喪王懷坡吏部皆

文行爲後學之師又皆兼丈人行也道中念之追
愴竟日作一詩以寄海峯先生

吾邑平居三數賢十年風雨地相懸文章後死能無懼
日月東流逝每然滄海一筇憑嶽觀青山千嶂待江船
畢將宿艸銘幽墓止就先生臥短椽

漫興

故人掛我燕山前送我來過潯汝川海右青山不可極
中原落日何茫然牛羊落落散高壠車馬駸駸誰少年
往來斯世卒無補俯愧古人青簡編

朱無逸孝廉自平陰來會賦贈

自愛名山一杖筇，敢言老子迹猶龍。
布帆垂拂淮南樹，丈屨來登日觀峯。
雲海似於人有約，冰天豈意客相從。
憑君欲問平生業，倚聽寒巖夜壑鐘。

題子穎所作登日觀圖

窮臘陰凌蔽暮曛，高巖孤迹此偕君。
前生定結名山諾，到死羞爲封禪文。
豈有神靈通默禱，偶逢晴霽漫懷欣。
卻從元旦官齋靜，看埽滄洲萬里雲。

次韻子穎送別三首

盤盤泰山石，終古不相離。
石上雲如蓋，青天多路岐。
浮雲將客去，盤石此心知。
諒守平生誼，寧無後見期。

海月依巖上官齋記客來登樓一俯仰窺牖其裊裊梧
引千峯氣心思萬古才爲畱三百字長對碧雲開

白髮遲聞道青山且縱狂江風清一曲樹口蔽千章古
哲惟文字天心豈喪亾當憂商訂少暇日一東望

乙未春出都畱別同館諸君

同承 天詔發遺編對案常餐少府錢海內文章皆
輻湊坐中人物似珠聯三春紅藥薰衣上兩度槐黃落
視前歸向漁樵談盛事平生奉教得羣賢

汶上舟中

春風迎我自江淮岸柳將陰花漸開盡室相看浮汶去

數山如畫入船來，微波夕照融當面。
飛鳥長空近，好懷欲上濟樓呼。
李白月澄滄海玉爲柁。

江行絕句

天低兩岸直，風緩夾江灣。
樅陽猶未到，已見皖公山。

夏日

空庭朝復暮，邈爾若無依。
自顧與人遠，方知近道稀。
暑雲檐外盡，晚日竹中微。
谷鳥翩翩影，孤翔識所歸。

夏夜

舊讀殘書向几橫，新陰鄰木隔牆生。
檐風艸閣方孤坐，雲月蕉窗度二更。
擾攘豈無一影纏，絲絡緯有餘聲。

謳吟自覺偷閒便，那比前賢挾勝情。

曉齋有述

盡舍人閒事，將求達者機。開軒垂艸露，曉日潤煙霏。梧
竹清千尺，雲峯碧四圍。不知滄海內，此志孰相依。

泥汊阻風

泥汊絕岸菰蘆風，吹逐白雲如轉蓬。兀竝小舟未可下，
杳然疊嶂何當通。一夜寒谿聞落木，萬里長江同拍空。
懷抱須向碧天盡，起借漁郎沽酒筒。

宿攝山寺

嚴風洗霧出芙蓉，含冷流哀越幾重。拄杖曙雲驚鳥宿。

古碑秋雨讀苔封
交流急澗鳴千步
極北憑江更一峯
誰識風濤鄰咫尺
不妨幽壑自從容

出金陵畱示故舊

又向青谿十日畱
依然雙闕望牛頭
交游聚處思移宅
衰病行時變棹舟
蕭寺風多長似雨
後湖煙澹總如秋
摩挲老眼僧書內
不爲興亡作淚流

竹林寺懷王禹卿

盤磴上香臺
雙峯倚檻開
江流天影盡
海氣地陰來
左右皆松響
蕭條獨客回
他時君到此
空復憶裴裒

招隱寺

竹林層檻閣江水照晴空杖策來招隱巖松與澗風鳥
聲含雨細樵徑隔雲通優恐鳴泉曲彈琴值戴公

江行

夜宿蕭然伴釣翁曉乘涼月出蘆中縱橫島嶼中流失
繚繞雲煙萬里空燕尾水分斜渚岸魚鱗波颭夕陽風
散人隨意江南北處處青山戶牖同

同禹卿拙齋登木末樓

江邊攜酒送春歸霽雨登樓風滿衣買船羃雲吹暗浪
佛圖懸日照空磯故交縱蕩情忘老寒衲逢迎語亦稀
第一江山容易到舉杯猶欲盡斜暉

惠照寺或言古木蘭院也見禹卿於此寫維摩詰
經

落盡淮南萬樹紅
晝陰僧院鳥玲瓏
檐含梅子黃時雨
戶進新篁綠處風
出世了無香海界
置身体在碧紗籠
鐘堂一飯成遺迹
回首天花丈室空

雨後

晝陰沈地一花明
裂紙窗前素卷橫
展讀未終雷雨適
竹軒梧閣作秋聲

江上送吳殿麟定還歛

我行江北路漫漫
送爾江南山萬盤
青天落日如相憶

夏倚蓮花峯上看

題二王帖

自斷平生誓墓餘，會稽東去世情疏。
無端卻念虞安吉，不似田閒種菜書。

偶有所感書此自
嘲勿謂譏右軍也

寫付官奴論一通，千秋俯首有涪翁。
自憐無力收遺本，梁帝何嘗擅折衷。

古人已與不傳亡，優劣誰堪品二王。
地下右軍如可作，詎將知己許文皇。

餘杭甥作桓家婦，妙蹟從汗寒具油。
忠義有靈應不忿，幾能藏弄託清流。

太白樓

太白樓頭空復空，滄洲晴照碧流東。
久傷白髮生明鏡，每見青山憶謝公。
萬壑鬣松鳴水上，九秋霜鶴入雲中。
不妨無客聞高詠，自有江山興未窮。

燕子磯

裊裊丹崖挂薜蘿，石亭松楸俯驚波。
蒲帆從此通滄海，藜杖曾攜眺曲阿。
舟楫客逢前日少，江山秋見夕陽多。
水雲洲渚還相錯，獨鴈流哀柰遠何。

寄王禹卿

竟日無人至，蕭蕭風雨涼。
樓臺憑晚霽，天地正青蒼。
思

爾西湖去拏舟春艸長無因聞玉笛煙月夜琅琅

荅客

鳳城恩近賁新除鴻漸都升省閣居楚國多聞推左史
漢臣清望動中書春深文讌盈金谷日宴儒林論石渠
盛世彈冠誠欲往祇憐衰髮不勝梳

懷朱竹君

學士文章三十年清修難弟亦稱賢
冒令節似郊祁誰何必才爲絳灌憐
世態期期求復古酒懷浩浩欲登仙
一時門下稱英少誰是侯芭受太元

懷陳伯思

壯年車馬劇馳奔晚節疏慵日閉門奉粟幾時能飽朔
合尊何處更留髡室中婢老都無齒竈下奴清不如輩
料得涼宵風雨急誦詩流涕卽令原

涼階

涼階今夕又飛螢倚檻風前已涕零人迹不如修竹影
每隨明月到中庭

題僧照

少通輕俠老如冰禁足蒲團學小乘閒說秣陵前日事
只疑元是六朝僧

鮑鸞書自歛渡江問業於蒙陔媿其意贈以詩

我如山徑斷行軒擁腫枝柯大樹存節目何由能待問
青黃久已謝爲樽披榛客自非流俗岐路誰當見道原
共對小庭芳艸積林風吹晚夏無言

敬敷書院值雪

空庭殘雪尙飄蕭時有栖雅語寂寥久坐不知身世處
起登高閣見江湖

霄漢樓

三十年前登此樓招攜綠鬢賦滄洲四山雜樹排檐入
萬里清江抱郡流過眼雲煙窺物外凭欄花鳥又枝頭
層軒尙有斜陽白叟就明霞望逝鷗

春日漫興

春冷江城裏端居到日斜閉門生逕艸空砌墮鄰花亂
帙從行鼠分爨與聚鴉千生彈指過何處惜年華

芳艸深春後高樓擁樹端一城萋萋綠累日未曾看江
氣浮煙薄山光抱郡寒故人猶辱問數字自長安

春動彭蠡鴈蕭蕭正北飛長空照江水孤影與斜暉託
處吾將老平生侶夏稀一聲當檻外舉首忽沾衣

絃月藏雲氣幽庭自夜明樹疏懸鳥宿花密照人行書
冊催兒誦衣囊檢婦情人閒紛感觸何遽見無生

又絕句

新蕉才展中心綠
芳杏將殘半樹紅
門掩小庭無客到
呼兒相對立春風

几榻塵生坐不知
一鐙深夜照書帷
江邊春盡瀟瀟雨
空館花開又落時

自詠

羣賢鼓舞赴明廷
陋巷無車戶久扃
已作元龍牀下士
每書子玉座旁銘
故交四海多衰白
何事千秋託汗青
風雪繞窗鐙火暗
夏披朱墨讀遺經

聞河決張瑞書以陝汝道督工沒焉愴悼作詩

歲賦長菱築水塘
又聞萬室入波衝
王尊勇竟爲冥死

趙孟儕還謝禹庸祠廟吏民垂淚過衣冠先壟想魂從
衰罷媿乏當時用焉敢薰膏議楚龔

細雨

細雨餘春尙薄寒綠窗風定蕙香殘七年同種階前樹
獨坐花開掩淚看

留客

高齋西面向澄江緩酌蘭陵春酒缸莫厭坐深風露重
宵分圓月始盈窗

寄子頴禹卿

拔地凌江峙碧峯水雲禪榻此相從解衣蘿薜巖前石

倚被旃檀閣外鐘三客竝知非一世兩山迴望有餘蹤
太虛爲室時相見豈爲離憂日置宵

銷暑

古木陰能大空牆日亦幽風絲垂緝女雨蔓長牽牛尙
友誠多遜離人庶寡羞暑窗深竹韻危坐與神謀

不寐聞江聲

憶昔乘舟徧遠征和風惡浪每殊情同舟死喪身今老
歎枕江聲入皖城

夏日絕句二首

數株當戶綠交加徙倚前榮見早霞忽有宿禽驚起語

露梢飛落石榴花

牆頭高樹綠雲天
謝盡餘花未噪蟬
掩卷看陰移午後
數聲嘯鳥在風前

夏夜

黃昏急雨夜中收
起見華雲吐玉鉤
久立玲瓏階下影
樹梢風過已鳴秋

穀樹

牆西生穀兩株連
陰蔽斜陽媚夕煙
惡木豈能妨志士
吾廬何厭聒繁蟬
窗閒細響鳴秋籟
屋角新光照上絃
幸假不才居隙地
清風時爲至江天

感秋

秋艸萋萋蘆荻花涼風嫋嫋大江涯
雨餘墜棗兼黃葉日落歸禽背絳霞
俯仰羣生同逆旅棲遲百里亦離家
備糟晚欲從漁父倚待亭皋立杖斜

題畫梅

老夫對客常思臥誰寫疏枝劇可憐
渾憶揚州喚吹笛梅花嶺上值新年

魚門編修曩以一詩送僕南歸今失其橐
更向僕鈔取因併一詩寄之

六藝高論玉塵揮百家楊秉莫能非
欣登雲閣仍簪筆

御送春艫憶釣磯再應徵書丞相老三爲祭酒大夫稀
聖朝舉欲畱儒者豈得歸
田志不違

寄朱二亭

念君里舍會絲簧獨屏吟詩兩鬢蒼閉戶不知誰與語
向人自謂我非狂居惟甕牖仍耽酒行過旗亭就賣漿
送我橫江歸艇疾蜀岡西望幾斜陽

臨江寺塔

江上浮屠三十尋半登迴首見楓林夕陽忽送孤鴻出
暝色將生百雉陰浩浩東流浮積氣茫茫後死獨傷心
西風飄蕩蒹葭外止有滄浪漁父吟

寄任幼直

昔聞金匱集羣賢
花藥春風坐榻連
藏史著書歸苦縣
祠官侍禮在甘泉
騎閑紫馬階前地
悵望飛鴻樹杪天
豈必知音當代少
眾中時一鼓琴絃

寄孔撝約

岱山樅檜鬱嵯峨
礪戶秋風吹女蘿
早厭雕蟲卑入室
遲歸金馬且槃阿
萌芽頻歎言詩少
枝葉惟嫌擬易多
千古著書非近用
廟堂伊鬱獨絃歌

聞禹卿以書名上達幾畷出山而竟止因寄

王氏風流艸隸兼
江東行樂且遲淹
解官誓苦歸元早

合妓情多聽不厭家作道民輸斗米身惟服食乞戎鹽
練袞團扇名皆貴豈必凌高署殿檐

哭魚門

魚門素有同居之約今春聞其引疾方爲
欣然而魚門旋以訪畢中丞于秦沒矣子

幼才三
歲耳

遇君通籍已華顛猶見雄才賦百篇送別議聯元亮井
論文曾許伯牙絃十年白虎成通論幾日揚烏與太元
一入嶠面身不返空聞解紱買江船

論書絕句

袞履風流貴六朝也由結習未全銷古今習氣除教盡
別有神龍戲絳霄

筆端神動有天隨
迅速淹留兩未知
莫道匆匆真不暇
苦將矜意作張芝

雄才或遜古人鋒
真脉相傳僂繼蹤
太僕文章宗伯字
正如得髓自南宗

論書莫取形模似
攷外傳方作祖師
老去差當捫鼻孔
世南臂痛廢書時

本是嶽奇可笑人
衰羸今況髮如銀
薑芽斂處成何狀
正得嚴家餓隸倫

突孔搗約三十二韻

孔夢興疇昔斯文失
在茲世從乖大義
家尙誦聞詩舊

德誠道矣通家願附之壁中書若授坐上客何辭往歲
南宮直東征使節持鹿鳴君始賦駿骨竊先知庾信升
朝歲揚雄好賦時翰林真不忝家法亦胡虧文富韓陵
石書摹鄒嶧碑談經工折角好學復深思海宇承無事
宮庭大有爲九流讐祕省三俊接彤墀博誦先王語當
求孔氏師二劉今幾見後鄭獨勤儀若作儀鄭堂
嘗乞余爲記老氏
藏書室儒林習禮惟廟堂君竟返延閣士奚資道德慙
途說文章劣管窺燕居頻接却狂論每無疑處處同栝
酒殷殷屢履綦逮聞舜禁闔先已病茅茨岱嶽分天峻
江流控地卑龜陰人去少舒口鴈來遲鵬鳥妖斜日龍

蛇在歲支風流前日會天意百年期橘幼靈均頌蘭摧
長史悲豈教爲異物真見瘞瓊枝銘鼎幾先德沾袍辨
異辭君書來云近喜公羊學方爲之說未竟書成寧餅肆身泯罷醴斯適
就潛夫論希聞智者規九原終不達一卷夏投誰余以經說
寄君甫去計不及見影鬢秋增白雙鬕昔對垂止餘名篆在啟篋
涕交頤

寄釋誦茗

瓶鉢相逢慧業兼碧雲詩法授江淹離居一夕身衰白
禪悅多時味屬慙陶令社容耽枕麴周生室久謝無鹽
卻思半日山光寺共聽風鈴語塔檐

荅孫補山中丞過港口萬年庵見懷二首

嶺嶠頻褰問俗帷
流歛火道擁蠻夷
建牙巨海重雲上
弭節千山落日時
明月珠崖盈近岸
祥飈神廟送歸旗
縣聞諸管環相慰
久識中朝吳隱之

湘東松竹帶郵亭
十五年前兩使星
鴻翼久迴春水白
隼旟重向越山青
僧堂吟就興遙夢
麟閣圖成失壯形
我欲叟除三宿戀
就公新治乞壇經

聞香芷兄擢廣東按察使卻寄二十韻

舊德前朝在傳家
後起難江山畱治迹
祠廟足辛酸兄
仕初爲令君恩每改官
分符臨夏口建節過閩灘

荒服南溟闕雄藩列嶂巒

命提中典使首立外臺

端經術良爲本科條亦可觀
霜風清瘴癘蛟鱷伏波瀾
陳氏嘗慙長諸袁實繼安
公卿終可致道德在無刊永
憶家風厚咨嗟獄吏殘
深文堪惕息考讞極創瘢
昔濫京倉祿晨趨省戶丹
循書黃案尾默媿惠文冠
隱几今懷耿中宵每竊歎
政茲褒召杜道必閉申
韓陳臬雖無陂推情或未殫
勿憂陳奏卻翻戒慮囚寬
梅嶺延冬燠茆檐臥歲闌
公私相望切引領屬加餐

詠史

將軍猶駐碧油幢積石河源未盡降
安定有城名第一

隴西出將每無雙
牧民豈謂非良幹
伐畔何教震友邦
憶昔盟書金似粟
百年金鼓不聞撻

答客

藜藿麤營便閉關
幾看榮謝隔谿山
淹留正爾因衰病
敢笑何公去復還

大觀亭

中丞祠倚石厓青
杖策秋風更一經
舉目衰林如脫髮
幾人采鞠制殫齡
清江三面舒州郭
南嶽千峯皖口亭
落照橫天鴻鴈起
獨憑長嘯對冥冥

黃慎雨景

數椽深壑架茅茨亂木霾雲出谷遲忽聽後巖飛瀑急
四山風雨已多時

李敦庸荷葉雙鳧

落盡芙蓉葉未枯野塘深處暖雙鳧貌來合乞忘機侶
曾入煙波得見無

謝陳勤齋方伯餽紙

已震戎韜靖阻遐又瞻弭節澤江涯游思竹素真餘事
分乞谿藤貴物華身媿詞人居楚國腕嫌餓隸出嚴家
安能泚筆形周翰會見褒書降艸麻

懷故學士朱竹君

洛下書生起侍朝，獨陵天地氣飄飄。
青雲後進時來附，白髮前交意每饒。
中夜酒多猶擁榼，過春花少尙連鑣。
卻臨杖節經游地，立望江亭晚落潮。

懷故編修程魚門

走昔雕蟲志尙勤，十年操牘每從君。
承吟雌霓知聲病，荷定雞人潤小文。
白下還將鄰舍卜，玉堂晚逐少年羣。
世閒一別逢無日，聞有遺孤未屐裘。

唐伯虎墨筆牡丹

兩枝芳蘂出深叢，休比徐熙落墨工。
曾向金陵參法眼，了知花是去年紅。

離思

畫角一聲江郭布帆幾疊風亭前日故人千里倚樓依
舊山青

惜抱軒詩集九

今體一百十首

寄天柱山人

天柱萬重雲雲中抗棟勢巖花稀見客松蔭獨隨君
澆手旁行字琴心內景文坐忘如著論須與謫仙聞

入龍眠

策杖向山碧心清境亦幽樹陰藏雨漬花落信風柔
鳥迹交深逕人家面曲流寧當容竝舍終歲託夷猶

江路感舊

山藏春穀堞岸折石城船白髮尋前路青春似往年落

惜拙車詩集九
一
花江館雨叢樹縣樓煙未遠忘情者臨風故黯然

野戍

野戍孤無障停舟此作鄰連朝江路冷數點岸花春白
霧離邨樹青燕向渡人無從商去住試禱水祠神

江路又一首

無復平生侶重於故迹經春風吹短髮江路數長亭帆
遠橫天白山多跨地青寂寥仍獨往風浪接滄溟

寄靈谷僧

自昔居靈谷終年聽石湍落花臥坐軟深樹衲衣寒孤
月曾前指千山定後看無緣居士室暫接問輕安

漫游

東風吹脫鬢毛斑舉世誰如老子頑欲抱龜著終蜀肆
豈將詞賦動江關五更竹露聽蕭寺一逕松風入蔣山
越客偶談天姥勝相逢倚杖夕陽閒

謝簡齋惠天台僧所餉黃精

衰年不願海山居願舐淮南藥鼎餘但使體中還少壯
更偕兒輩向詩書蒼山旨蓄承分乞白首飛蓬或埽除
想見赤城霞畔路長鑱木柄下空虛

輓陳勤齋中丞

西南地控五谿遐承詔單車往建牙出令蠻夷方企踵

從行琴鶴政忘家山園幕府秋迴鴈霜落旌門曉聚雅
故宅但瞻雙戟在迎歸白旄拂江花

陶怡雲深柳讀書堂圖

我如枯樹託婆娑愛見新條發舊柯往日讀書真恨少
少年如子豈能多風軒百尺搖陰翳雲幌千秋對嘯歌
願得隔窗斜倚聽立深飛絮覆堦莎

王孔翔香雪梅宴集圖

渡江春盡冬初去風雪寒山獨閉門羨殺烏衣眾年少
梅花時節又開樽

讀書秋樹根圖

秋容自老君方少
昕夕披尋歲月長
不識五車書就日
卻須林葉幾番黃

孔信夫舍人自揚州挈舟見訪將自此適蘇州章
淮樹觀察邀與共觀家伎因作此送信夫

櫻笋成時燕入堂
當軒陰重艸初長
共扶白髮三千丈
來看金釵十二行
灑座玉船傾若下
指塗蒲席向吳閭
明朝萍迹都成憶
耳識仍增記繞梁

題右軍帖

蘭亭眾會獨傷懷
先墓歸誠誓叟哀
顯授何嘗較懷祖
扶生或竟遜方回
我眉汶領終難至
青李來禽尙可栽

我亦年今垂耳順千秋思若坐中來

雨夜

秋館蟲吟出艸根倚窗塵榻一鐙昏
瀟瀟半夜龍江雨知有寒潮又到門

飭齋年七十五腹疾累月自憂不救
邀作豫輓詩龍飛四載一詞臣吟嘯
江山五十春莫怪尊前爲了語當年
同輩久無人

一代文章作滿家爭求珠玉散天涯
替人未得公須住天上寧無蔡少霞

宮闕前朝迹惘然隨園花竹獨清妍
故墟憑弔終難免

且願從游夏數年

氣聚升爲五色霓倏然散與太虛齊海山兜率猶黏著
那夏投生向玉谿

作書戲題

遂良舊日鬚皆白祕監今年臂夏衰結習欲除猶未盡
前身或是永禪師

哭孔信夫次去歲觀伎韻君自遺書乞余銘墓

公子聲高魯廟堂爲余江水遡游長石銘歸託名千載
玉版前畱墨數行鵬臆恍知從物化人情未可扣天闕
清樽急管同聽處依舊烏衣上玳梁

次韻荅毛學博

文家俗見鄙千層嫵媚誰曾識魏徵若反清言從正始
僂同乳穴復零陵有源君導如春水無盡人分是慧鐙
愧我尙爲知解縛不成得隨自南能

江北青山隱隔層今秋豐穀應休徵東籬正可歸彭澤
左席奚求赴信陵諧物總非長袖舞相看各守短檠鐙
初涼好共尋巖桂拄策僧廊病尙能

倪學博欲爲設食而僕病後畏酒肉次前韻約爲
茶果之會

盲花眼霧亂層層蒲柳先秋信有徵渴愛旗槍烹似乳

開嫌壺矢祝如陵連朝荅木衡三品薄晚鹽齏共一鐙
君爲禪房設清供試拈螺蛤小詩能

又示客一首

已識西堂合射艱況教口腹累人閒庾郎正貴陳三九
袁粲何須破八關明月清風同入座綠葵紫蓼摠開顏
不容更命門徒議早聽周生諫小山

秋室湯咏

積痾謝書冊人事亦無關曠爾一室內秋聲動遠山廊
依風葉轉砌繞露花斑客至希言說依依久坐還

隱仙菴雙桂相傳元時植秋時花開極盛攜客及

幼子師古觀之因賦

鍾離真主渡江前，雙桂蜷枝已刺天。
南國市朝非曩日，西風闌檻又經年。
黃金萬葢香浮閣，白雪千莖冷覆肩。
零落滿階君勿歎，吾生那得較花堅。

漫游

青嶂連江抱，隔闌此閒容。
託葛天民垂金花，落秋將老流汞光。
升月又新隱几無心從，喪我登山有句偶。
驚人每攜邛竹尋蓬蘽，容有齊梁迹未湮。

登清涼山翠微亭下重八隱仙庵看桂偕浦柳愚
山長毛侯園倪健堂兩學博

亭高碧嶂秋風上帆出青天曉日時一攬橫江全楚勢
再尋幽壑小山枝樓前影擢交龍起雲裏香薰駐鶴知
顛接數君情不淺不妨繞樹坐頻移

次韻同年蔣澄川見懷澄川去夏皖中貽詩今夏
始達

江北江南兩岫雲從風偶聚又披紛鋤犁久分終南畝
隴隧今傳誓右軍難得經年通尺素況期千里合離羣
相望都似秋林葉澹倚寒山挂夕暉

毛俟園用僕看桂前字韻作詩見貽因復荅之

萬里清江到坐前又逢佳客九秋天短筇共傲爾憂疾

芳樹誰知偃蹇年君輩論文推馬齒世閒相士貴鳶肩
止宐不負看花約白斷平生志已堅

問張荷塘疾

君抱幽憂卻酒卮空堂視蔭每同誰今年青女慵司令
九日黃花未吐枝欲起毗耶居士疾愧無天寶謫仙詞
瓦棺閣外江天遠請眺餘霞落鴈時

喜胡冠海至

高樹寒陰落掩扉城頭鍾阜夕煙微青楓江上人才返
黃菊花初蟹欲肥行樂繫錢隨處好論詩燒燭隔年違
黑頭擲易身無事且爲頻來趁短暉

天門

艸綠濡須口天青博望門
雲山開四面波浪急東奔地
有千秋感人傷垂老魂
頻年逐帆影幾處認潮痕

題畫

橫風吹雨過林邱
萬片飛雲作水流
倚檻數峯藏又見
渾如天際識歸舟

千巖雲起歷林低
黃葉聲涼送馬蹄
雨急看山行更緩
野人家止隔前谿

觀明賢在楚宗室宅詠繡毬花詩卷郭美命首唱
凡十九人王夢樓跋尾有評繡毬花詩以宋牧仲

爲冠語因題其後

往日東風帝子家
濡毫上客寫妍華
時乖竟值憂危議
春盡難畱錦繡花
節概青編悲志士
文章白髮笑生涯
從游紫栢猶吾願
綺語何煩甲乙加

荅朱石君中丞次韻

衰年薺藿甫聞香
那得全將六用藏
縱有隨之推老馬
其如後者未鞭羊
使君膏物真時雨
故侶零柯怨早霜
不貴藥珠傳不死
諒公宇定自天光

天界寺閣遇兩蜀僧

南朝宮闕悉榛荆
尙有梅檀閣未傾
坐看青山圍建業

來從赤腳下桐城，殘英偶爾餘春色。布穀冷然早夏聲，
萬里我眉僧接鄰。小窗深潑夕陽明。

送方坳堂解官後將之上江

鎖闥將闕始聞名，夢過春秋二十夏。三省最遲麾出把，
九州獨許蓋先傾。山當蕭寺時停騎，身付扁舟欲濯纓。
我亦舉頭偕眾望，謝公終起爲蒼生。

君與名山宿有期，那應長閉入車帷。好乘翳腳年來健，
徧覽煙霞物外奇。僧俗總隨雲水宿，漁樵或與姓名知。
故當飽歷人間路，歸見桃花一笑時。

重宿幽棲寺

南山東面最孤鶩拄杖時攀問法源紺宇中臨千嶂小
黃梅秀出一枝尊春階雨歇纔懸榻夏院陰成又扣門
深澗了無來去迹只餘石漣滴苔痕

陳東浦方伯招飲瞻園次韻

前代英雄不可尋千秋臺榭做憑襟
歌松立石冷風度暗艸叢花夕照深
官閣畱傳多故實謝公寢處愜山林
酒闌倚檻容吟嘯無那高垣易夕陰

次韻荅吳竹橋

稱病君真似長卿我如蒲柳老無榮
文章已謝當時好止足寧希史傳名
獨立懷人常企踵相逢狂論復肝衡

清詩冷若臨風笛吹徹秦淮秋氣生

題吳竹橋湖田書屋圖

中田有精舍挾冊青林閒起見海東月流光湖上山時
聞漁者唱或值耦耕閒非得忘機侶翛然自掩關
昔君辭省閣余亦臥江濱山淥垂湖岸空容澹蕩人藏
書多足老資物少無貧憂欲刺舟往相從忘主賓

題黟縣朱榮朝望嶽樓圖

記託新安郡晨朝見異峯遙思黃葉邇多被白雲封孤
往未能決他年焉可逢披圖如曩昔惆悵列巖松

題李抱犢山人四友圖

惜非車言集卷之六
九
君築巖居積翠重飄然偶出似雲龍孤舟乘興行千里
襪被吟詩入萬峯屢痛昔賢披墓艸自希良友結霜松
歸休梅竹蕭疏裏風雪余將策杖從

方坳堂觀瀑圖

泰山北面寒巖谷會逐谿聲就朗公莫道出山泉竟去
舉頭長在碧雲中

坳堂觀察自安徽返將歸濟南仍入都補官餞之
於清涼山

天門赤岸涉波濤問訊秋來迹已勞風雨才晴將送遠
江山無際共登高重來郭伋誰能必獨立王尊氣自豪

衰眼摩揩瞻事業何妨萬里縱旌旄

題坳堂所藏諸城劉文正公手蹟

獨立清修動 主知峭然耆艾在彤墀
後來董令思文 偉誰許王宏繼
穆之竹素蒼茫千載事邱山零落百年
期寸縑中有平生感會共山公把酒卮

跋汪稼門提刑登岱詩刻

昔乘積雪被青山曾入天門縹緲間
日觀滄溟猶在眼 白頭明鏡久驚顏
壯才許國朝天近名嶽裁詩擁傳還
盛藻宜標千仞上衰翁無力更追攀

過蕪湖

不見春江際安知路所經遠隨煙外席時逗岸邊亭鵲
尾雲彌白鳩竝山漸青更投前港宿雨勢復冥冥

四合山阻風

柳枝搖不息久立望空津帆勢遙投戍濤聲故近人雲
光闕岸晚艸色澹谿春安得知言者披襟志一巾

天門阻風

亂山蟠野合雙嶂轟雲開地擁江聲出天橫雨勢來輕
蓑漁故往挑菜市都回老子惟高枕東西任擊甍

東梁山僧舍

津濤行復滯峽嶂路還緣石壁凌江閣風林隱浦舡鵲

盤嵒樹側狔出浪花巔往迹無儔伴春陰彌悄然

復阻風

三月鶯花盡江邨直似秋陰從亭午合風挾暮潮留水
氣侵厓上寒聲在樹頭長年仍豈纜水宿亮多憂

烏江阻風

金陵如咫尺牛首在船窗棹往彌求速波來未可降急
風吹白雨薄暮泊烏江燈火連檣底瀟瀟雜語屢

楊龍友墨蘭竹

秣陵春盡倍銷魂紅藥花殘綠萼存被惱更尋修竹逕
千叢元是畫時孫

江左風流染翰時，越疆同裹故人尸。風蘭露竹容相憶，
寒食曾無上冢兒。龍友殉難時，吾鄉孫武功監軍與之同死，後監軍子收其骨併龍友合葬。

桐城北楓香嶺，余嘗至其墓側。

爲周期才題春江歸棹圖

如織江帆上下流，無人天際識歸舟。昨來停棹還西去，
畫裏昇州似鄂州。

陳約堂武陵汎舟圖

曠懷無染俗情濃，芳樹春流到處逢。喚作武陵何不可，
桃源元止在君胷。

憶禹鄉在南昌

我憶人閒王禹卿休心總異少年情青娥玉笛春風盡
朱雀金花夜氣生揮塵僂應通肇論折釵偶或作顏行
洪州止爲西山戀僂滯南來累月程

游攝山宿綠雲菴二首

不見深巖桂微風谷口香披雲過石徑聽澗到僧房穹
壁天容峻環林地籟長欲求明處士僂塞待斜陽
叢樹未搖落寒山已改容自攜孤杖影晚下最高峯燭
隱秋聲閣詩成夜壑鐘白頭餘健在幽處欲潛蹤

最高峯登眺

已上嶢嶢又佛臺正逢秋霽夕陽開地窮江海與天際

山自岷嶓夾水來南國中原同下頰華林衰艸幾千回
何當住此雲霄上長與星房日馭陪

題汪君試硯齋圖

涵空高蔭氣清泐玉開險發古馨蕉葉滿窗苔滿逕
倚楹研綠寫黃庭

題畫

山遠雲九澹江空影最長秣陵秋易到不獨爲林霜

瓦棺寺

招提地亦古長干圍入南城體勢殘穿逕石崗隨綠曲
到門風葉颯清寒虎頭無影存金粟馬鬣何年出瓦棺

尙有里民矜故事一成臺上集文翰

前有小阜民謂卽鳳皇臺側建鳳游

寺

翠微亭

蘭若門中山逕清攀躋幾折與雲平排空疊嶂穿城入
鋪地橫江隔樹明天運九秋如有怨人思萬古到無生
奇文腐艸要同盡何用登高作賦名

掃葉樓

碧雲垂下大江流坐倚江城古石頭丹嶂欲平猶作巖
青楓未落已成秋三山夕照新林渚萬里西風掃葉樓
虎踞地形猶在眼清涼深院發鳴虬

陳碩士藏管夫人寒林小幅

獨於疏澹著精神山遠林枯意倍眞借問倪迂嗣誰法
右軍書學衛夫人

癸丑重九無樽酒之會往問袁香亭同年亦獨居
寂然乃邀登雨花臺臨眺至暮香亭有詩和之二
首

六朝建國猶形勝九日登臺思悄然故壘蕭疏黃菊節
旅懷搖落白頭年秋聲城郭千家樹返照雲霞萬里天
若對江關悲作賦不如山石解談禪

君解銅符五六年逢余黃髮白門前彈冠舊侶眞無幾

策杖清郊尙有緣俯踞小亭衰艸地仰思高座雨花天
兩翁自愛尋荒迹豈必龍山會眾賢

婺源胡奎若藏黃石齋自書五言詩蹟題後

直言瀕死荷戈餘社稷猶思再掃除指佞朝廷惟汲黯

存亾時勢異巾胥秋來艸沒宮門路

石齋將死于江寧時過故宮門猶下

車見裕

夜半鐙寒屋漏書要識艱危成節概不隨流俗

在平居

和袁香亭在鄭思贊孝廉宅看牡丹

三月江城泛玉卮朋簪不異少年時露華朝暖春應駐
幽檻風微日漸移興極捲幃看國色病餘擁毳作僧詩

惟君彩筆猶豪健，合有紅雲捧硯池。

和袁香亭清話

白頭老子尚婆婆，未復空山考在阿。
紅藥堦前春事減，沙棠舟上酒情多。
衣沾天女花難去，隙閱奔駒影易過。
試就詩人乞禪悅，右丞容卽古維摩。

朱白泉觀察以僕往昔訪其先公運使於泰安時所作詩文各一首同裝成卷見示感題

平生交友接龍門，霽雪高山共酒尊。
立處不知天下小，坐中祇謂古人存。
文章海內已旒節，江東見後昆
留得白頭如夢過，舊書重展落虬痕。

贈釋妙德嘗作老子疏者

上人杭越秀攜笠到江邊
宴坐苔庄地談空花雨天道
場隨里舍法性寄詩篇了悟
無人相何妨解又元

過明孝陵

將侯山與故宮連想見興王作邑年
銀海竟從僧易地石牀空令女朝天
山青尙似觚稜闕澗澗曾無功德泉
正是江邨寒食節落花飛絮羨門前

見諸君作莫愁湖櫂歌戲擬四首

繁華才過卽千春遺迹荒寒任水濱
復送酒船歌板至那知中有斲腸人

春光易盡是湖涯桃李陰成柳作花
和雨和煙千萬樹不知誰是莫愁家

游人散盡漸烏棲惟有漁舟半隱堤
一曲櫂歌明月上淒清風露女牆西

前古煙波後世樓教人歡喜耐人愁
新詞才子情深淺付與雙鬟試轉喉

游瞻園和香亭同年兼呈東浦方伯及在坐諸君
八首

自有丹陽郡何時不勝遊名園今日會
官閣累朝留古意蟠松正天成立石砌
遠思營建力名字向誰求

開第從徐氏元功得賞延飛龍天子去喬木世臣傳室
榻神疑在亭迹逸然時將青簡事回憶綠尊前

儒者資爲政維藩見節旄阜居憑井邑清氣擁林皋暇
日聊陳醺臨風一染毫石梯摹蜀道往迹念仍勞

高軒閃夏氣幽檻剩春花蘿翠升還墜松聲壯不譁
寒衣穿數曲當席眺千家未覺淹畱久江天送落霞

山遠良難步江空遽易臨無如三畝近不厭四時吟
苔藉幽人履風披牧伯襟寧如羊叔子感慨畏幽沈

諸君羅俊藻野客與追陪地下魚爭出天邊鶴亦來
朱顏今已過笑口古難開豈恤狂言發頻當覆酒杯

畫手有袁張同時并擅場筵前交履舄海內各文章雅
集團如就裁詩墨盡香祇憐才盡者偏畏擘牋長
夙願鍾陵下茅茨架薜蘿卜鄰人有幾小築計云何地
異官齋悶朋隨風雨過耆英真可會山似洛陽多

送李喬生歸揚州後御寄

論交談藝氣飛揚清夜纔邀共舉觴楓葉江天舟楫杳
桂華樓榭雨風涼悲傷短髮秋三月淪落高才水一方
計日黃來還有約糞除東序布藜床

懷祝芷塘

聞住華亭四五年東風轉爲望江船料應玉貌今衰醜

卻誦清詩轉妙妍
地上朋儕餘有幾天
涯風雨颯無邊
白頭垂憶平生事
更寄傷情到海壖

江南榜發同居諸女多被落感歎成咏

九日明朝至千山
秋氣來江南
悲送客雨際罷登臺
旅館須耽醉風帆且緩閒
誰憐黃菊節多滯白衣才

有懷雅君

秋陰不成雨黯黯
望空津楓落初寒
水帆行失意入山林
遠遣性書筴逐羈身
安得將尊酒相邀慰此辰

毛俟園倩樸山道人設素食於隱仙庵見邀同袁
簡齋浦柳愚金麓邨陶讓舟王栢岬馬雨畊門人

朱珏同游其時桂花甫謝率咏一首

野蕪烹香進舊醅，鶴儀道士住蓬萊。
青山曲曲藏修竹，紅葉莖莖映碧苔。
孔蓋蔽空雙立桂，龍巖偃地半枯梅。
清風又引羣賢會，何必花時逐眾來。

別治三

日月雙輪邁文章，一管窺劣容畱後。
死敢謂使先知，求子才寧易從余志。
亦奇深山有神會，何異接披帷。
秣陵城外水空遠，動離心楚澤同津去。
歸軫隔浦深秋風吹短日，江霧蔽長林。
孤唱中流發，寥寥無賞音。

洲上見桃花

荻芽初出麥莖寒中有江桃作意丹開落年年天不管
夕陽洲上獨來看

祝袁簡齋八十壽時方送小郎就婚湖州

春風鳩杖挈佳兒棗栗盛筭共壽卮樂事天教今世獨
才名人作昔賢疑分司且遜休官早柱史從畱食乳遲
會見小倉編後集較多盈萬渭南詩

先生築館冶城隈壇坫爭趨末座來司馬從官嘗雨立
元戎小隊及花開後堂弟子聞歌管西邸英王致酒杯
此日壽登誰不慶早詢安否遍中臺

送香亭重赴嶺南

昔君溟海我燕京，萬里相逢建業城。
艸綠冶亭同策杖，花明江閣擁彈箏。
東山未可畱安石，南越重須見陸生。
又送離𦉳天際望，自垂白髮入柴荆。

重游隱仙庵并詣古林律院承諸君和僕去歲詩
韻見示因復繼和三雲通守四十矣前見其貌似
年少因以入詩今知其誤故復以詩解之

殘花猶未墮，蒿萊挂杖濃。
陰踏逕苔魚鳥都於吾輩慣，
江山轉憶昔人來。
觀空應叩鋪金地，遣累頻斟釀玉醅。
歸把清詩慰岑寂，一庭繁雨綴青梅。

江城初見玉山來，當座朱顏發綠醅。
流轉光陰速輪轂

飄蕭花絮付莓苔黑頭子豈輸王簿禿髮余真似賀梅
四十功名非假晚會看風引到蓬萊

賦得謝公墩

昔聞謝太傅登眺此江東宰物仍高韻清言見道風早
齊東海德晚配始興功曹植詩多怨羊曇慟復窳閭閻
葵扇在煙鷲石城空遠想非無士從游詎有公一墩當
水白三月落花紅夏作書生詠青山夕照中

香亭得雄於其去歲所失小郎有再生之徵一詩
爲賀兼以識異

普門大士感修熏福德兒重乞細君正似吾鄉張太傅

再招東晉大將軍張文端太傅母始夢有異人自稱王敦至其家生子名敦哥數歲殞母勤甚夢異人復至曰吾終爲夫人子遂產太傅名之敦復太傅長遂以爲字金環窠穴眞堪信老蚌珠胎倍可欣逸少諸郎他日貴不妨小者最超羣

次韻荅朱二亭

遼闊江山又值秋企余猶限水悠悠文章我欲從障瓿筋力君堪較上樓風雨白門尋史傳邱山黃土想朋儔幸餘禿鬢人閒老那不相思一命舟

題朱浙齋都統偃面洛神兼臨十三行二首

誰識傷心賦洛神每思千載一天人持將偃面西風障卻變淩波鞦韆下塵

都統丹青祕殿儲偶傳斷筴亦琳璽兀如大令多兼擅
烏特牛成僂作書

題李孝曾海上釣鼈圖

東方無盡是虛空惟有扶桑日出紅釣罷六鼈無一事
海天吹淡釣絲風

人間得失爭蝸角末俗榮華看羣鳩但使胸遊天地表
海鼈何異瀆中鱖

惜抱軒詩集十

今體九十三首

過程魚門墓下作

憶挈柔豪就石渠春風花藥襲襟裾隨珠荆玉多奇士
金匱名山見異書霄漢幾人成令僕滄洲吾道在樵漁
獨君埋骨青山隨長鬣松呼似識余

送江寧郡丞王石丈進餉入蜀

龍座師王文莊公之子

使傳驅天府家聲長地官書名留御墨急病在衷丹
行受專城寄寧辭報國難天從秦嶺窄身入棧雲寒轉
餉千峯裏傳餐萬木端才猷經事大體骨積勞安憶簪

趨階序初欣見羽翰山邱嗟歲往風義值江干短髮飄
藤架長歌共藥闌亭皋春寂寞閣道路巒岷涼燠車中
換情懷事外寬吾衰君自壯談笑去征鞍

題夢樓集

與君交久無如我茲到頭童白領髭事業銘鐘都未逮
林泉投綬卻非遲燕關秋氣聯吟袂江寺潮聲接臥帷
五十年間都憶起一鐙廿四卷中詩

送陳東浦方伯自江寧移任安徽三十二韵

衡嶽羣舒地橫江六代都風煙通上下民俗別荆吳駐
節方從化移轅有待蘇生申元四國僭寇豈私吾白下

公初莅黃中，信早孚。從容文禮，樂談笑。奠江湖，小察羞。
誇得詩猷，始作謨。五年休息，意四境蕩平。途變士憐，擘
缺知音辨。濫竽古風宣，護夏僞體闕。榛蕪豈以文，防政
眞看效。是儒甘棠方，爰舍瓠子計。塞芻天語褒，丹鳳
人心繫。白駒皖公先，在望泗上且。須臾四載，俄安宅雙
旌。遂載驅同州，淮海合分省。井疆殊作伯，臨諸帥投閒。
有一夫登龍，慚郭泰。伏鶴媿南越，江遠林烟澹。霜初岸
艸枯，遠借迎竹馬。近卽送檣烏，回首思鄉郡。傾心仰大
鑪，土風兼俠武。鄰域急軍需，狗有生羗逸。人無佩犢癡，
依仁諧眾願。舞德況微軀，劇邑將辭醴。歸邨更飲甯瓶。

開惟說尹極負其將維九派溇陽會千峯天柱孤詞源
瞻几杖坐上又醜黜此歲嫩誓口他時北斗樞旬宜寧
楚尾羽翼上天衢業廣同環海恩周詎向隅形容羣作
頌傳詠慟吳歛

寄袁香亭

時爲澳門同知

同歲書生盡白頭異時江國共登樓蒼蒞身世餘孤策
歷落山川又九秋雲出易迷巖曲岫鴈飛難到海南州
御馬壯事猶能作談笑吳霜拭佩鉤

題王麓臺山邨扇面

谷口停舟傍石林幽人猶隔幾重岑濛濛山氣將爲雨

待長谿流二尺深

偕陳渭仁吳子見朱引恬南濱游攝山宿般若臺
院次日邀釋卓羣入寶華山

九月寒初未擬還江南艸樹正斑斑短筇慣識青巖路
白髮重攜向攝山

萬葉霜凋變錦叢雙巖金碧擁行宮宮門右畔谿橋
石竟日涼颺響墜紅

密樹陰沈般若臺珍珠泉映井天開蕭條彌勒龕邊宿
一夜橫江風雨來

路掩青山舊孝陵村零黃葉古江乘騎驢共踏秋風裏

新識南宗小院僧

雜犬民家帶柘桑
誌公人說出東陽
寒山一往無尋處
卻見鷹窠是道場

慧居寺

恭閱

三朝御書

獵獵霜風拂袂斜
偶攜僧衲入哈呀
山蟠句曲橫青竈
樹白深巖上碧霞
霄漢奎章藏鶯嶺
人天法會憶龍華
白雲蒼狗塵寰感
也到空林釋子家

寄吳殿麟

聞其里人欲爲舉孝廉方正

天都山下結茅茨
閉戶盤桓自命著
弟子三千周士貴
公孫五十漢徵遲
朝中僿僿將更策
天下文章要起衰

聞道洛陽才不世吳公第一始深知

鷲峯寺

寂寂青谿水蕭蕭祇樹闌江潮春入郭海月夜當門銀

杏風前活

寺有銀杏已死今復榮

金容世外尊

殿中佛像傳翁江總捨宅時造金色

獨異他像

陳隋銷落後來聽道人論

葆光寺

一徑循修竹高低杳靄間秋風深院桂寒色寺門山籠

象來居少

寺無方丈僧

鴉鳥暮語聞故人餘隱迹孤杖此追

攀

方坳堂嘗避喧于此

報恩寺

江上來興甲宮中失委裘升朝君難靖建剝母恩酬風
物長千古雲山短髮秋浮圖三百尺陟級望滄洲

南唐

小朝偃蹇大江東煙月流連六代風建業文房收寶笈
清涼法眼啓琳宮帝都執玉才嫌後天塹浮橋已架空
一聽大梁春夜雨最思花是去年紅

龍江阻風

紫金山外俯羣巒白鷺洲前木葉丹十月清霜天地肅
一江空水古今寒往來未定秦淮宅冷落唯投大澤竿
坐待暮天霞作綺吾生何處不盤桓

憶慧居寺

九閩初鴈在江南一詣靈山杖策探殿角夜明升鷲嶺
鐘聲秋發過龍潭歸攜衣袂烟霞染迴望雲關石樹參
料得老僧居絕頂峯劫時見度風帆

歸舟

風起橫江晚未休躊躇山下送歸舟遠天青白依依日
近樹丹黃颯颯秋早歲經過忘故迹百年死喪憶前儔
老翁萬事投空寂只寫清詩處處留

過黃陂湖

離家百里泛晴川遲速吾心總曠然澹淡風揚初日上

高低山匝一湖圓連邨黃葉叢叢霧舉權滄波而面天
好景一過須記取擬同兒女話鏡前

自嘲

冬烘老子木棉裘苜蓿盤邊與古謀曳踵車輪良病緩
拄頤劔首正嫌修雖讐七略無黎火未證三幡愧苾蒭
儒佛兩家無著處祇將黃髮邁時流

嘉慶丁巳三月十六日阻風於繁昌三山磯因游
三華菴菴爲僧山若建山若傳爲明進士楚人不
知其姓名國變後爲僧塔在菴左側

青山綠曲逕紺宇帶修林江影高軒覆花光小閣深峯

巔橫落照門外澹春陰不厭風潮阻頻爲淨院尋
勝國傳遺老開山託巨礮三衣藏服畧一鉢寄餐薇名
姓塵寰滅波濤過客稀祇聽松竹韻三歎出巖扉

寄李雨邨

調元

故人與我尙人間曾傷金羈玉筍班地勢風煙難蜀道
天涯雲水各江關偶將文筆傳消息竟謝簪纓孰往還
衰鬢不妨論事業發揮潛德又誅奸

題畫

深谷高巖寺閣扁疏林谷口見谿亭亭中恐是龐居士
坐對無埃山四青

未凋林碧發梅紅石壁天齊岸勢窮搖艇更深何所遇
武夷君在白雲中

題夢樓集

春雨高梧灑夜涼夢樓詩卷伴虛堂未知他士堪看否
我白微吟欲斷腸

題韓魏公早朝像

當年秉笏獨書思每進難陳父子詞逮託北門榮畫錦
永昭陵遠夢累恩

王文成公像

餘事功名到五谿室家累世輯羣黎除將道統千秋帀

我夏傾心爲鼓鞀

宋人水殿圖

金波鵝鶴雁秋光
高下空明水一方
天淨不知河漢轉
玉階風露覺新涼

趙承旨天寒翠袖圖

冷落山花開竹竿
誰言空谷異長安
態濃意遠無人見
自倚天風翠袖寒

王太常雨景

沙上浦漁歸煙際
邨林閉風雨黯成
昏湖山轉清氣

將會夢樓於攝山道中有述

太平門外雨初晴又聽新蟬第一聲轉穀年光逢小暑
夾衣天氣似清明山雲近作迎人態僧院歸如返舍情
未死故人重執手舉看藤杖一枝輕

別夢樓後次前韻卻寄

送子挈舟趁晚晴沙邊暝立聽橈聲百年身世同雲散
一夜江山共月明寶筏先登開覺路錦箋餘習且多情
纓頭半箇容吾與莫道空林此會輕

次韻贈左蘭城

我似頽陽尙美晴子如雛鳳發新聲殷勤老馬途頻問
高下精金帚白明共案八關尋至味聯牀三宿係餘情

屬將道域深攀援，要覺文章小技輕。

題趙雨亭出關圖

葉君中子謫伊犁，趙與有舊，省之，葉沒，又往致其柩歸。

冰雪天山照往來，懸旌四見玉門開。
尊前渥赭顏如魯，身是唐朝老萬回。

秋至

積雨晴時風滿襟，夕陽空院落疏陰。
暑過秋至關誰事，付與寒蟬樹上吟。

自海峯先生喪十餘年，飛不至樅陽。今年自江寧循江西，上過其故居，不勝追愴，乃作二詩。

往時四海一衡茅，頻使升堂命酒肴。
輕許便當人俊傑，

高言寧計眾譏嘲寥寥空宇今羅雀兀兀荒臺古射蛟
艸猶重困天下痛百家新學總譌消

縱陽山市枕江濱何陋廬闔只爲君此日羊曇重下淚
百年端木永離羣霜風激激團亭水天日昏昏大澤雲
正是平生停櫂地招魂當復細論文

松岡老人小景

荒寒空水夕陽流落鴈聲遲近荻洲識取松岡詩裏畫
秣陵天遠不笄秋

松岡谿山亭子

半依平遠半巖扃雜樹逢秋一半零入谷未深林未密

拈來詩思在谿亭

八山

雪餘冰泮日華清
試向寒山託漫行
曳杖穿林逢客少
解裘登嶂覺身輕
丁東石溜巖幽出
層疊嵐光樹上明
取作分司隨口句
驚人無復謝宣城

徐半山桂

已將僧袂謝塵緣
猶有深情拜杜鵑
極望湘南天更遠
秋風零落桂連蜷

仇英熏籠宮女手持團扇

梅萼香薰靜女羞
熏籠煖倚意寒涼
懷中不合時宜在

變詠齊紈冰雪光

輓袁簡齋四首

早應詞科稱玉堂出臨大邑見文章
流傳政牘吳歛裏得助詩才蔣阜
秀官罷買田如好時身亾起塚在桐鄉
祇憐行樂平生地門掩西州澹夕陽

文集珍傳一世閒兼聞海外載舟還
千篇少孺常隨事九百虞初稟解顏
竈下媼通情委曲硯秀奴變句嫋斑
渾天潭思胡爲者縱得侯芭亦等閑

館閣江湖竝盛名得苞今古手持衡
當關報客無朝暮下筆噓枯有性情
羣羣角巾從郭太公侯小巷候君卿

希光時彥今多少
籬淵辛勤悵賦成

半世秦淮作水嬉
沙棠舟送玉簫遲
錦鏐耽宴韓熙載
紅粉驚狂杜牧之
點綴江山成綺麗
風流冠蓋競攀追
煙花六代銷沈後
又到隨園感舊時

嘉慶戊午二月十一日
攜持衡偕左良字叔固張
侍喬時牧素從同游
雙谿四子留宿山中
侍喬及余持衡暮歸
憶去歲是時亦與諸
君游集于此因作二首

千嶂龍眠碧玉闌
雙谿蟠蓮玉龍飛
闌隄松響交山閣
曲崦花光照礪扉
青艸已埋黃閣骨
絳霄還振素流衣

衰羸忝與年年會，昏黑猶嫌早命歸。

此邦曾住李公麟，何處山莊閒翠筠。眾壑莫如今據地，

四朝誰問魯時人。

龍眠山甚廣然莫佳於太傅墓前疑管山莊卽此雨過澗漲

多新響，崖闔林閒別貯春。玉局黃門徒對畫，吾曹差勝
得身親。

寒食雨

細雨冷風日夜催，陰沈庭戶長莓苔。山城樹底花頻墜，
關路淮南客未來。三月晚春悲老物，百年後死待奇才。
坐看曠色階前合，北嚮寒空數鴈哀。

吳良侍御 三十二韻

能國惟君子平時讓俊民九苞鳴大夏一鶚降秋旻士
盡歸遺直朝方賞諫臣如何孤有德終歎百其身家世
昆明遠聲名上國珍青編先珥筆白簡奪當仁受詔
乘輅急當官襤被貧九流分混汙三族責頑嚚始使清
流重終教惡女顰遷官依日側持節度江濱魯酒師
圍趙曾參罪惑親湘東舜樹蕙滇海臥誅榛脫穎賢名
舊聞絲帝念新雲霄重起翼風雨又司晨授命官何
擇賢勞事不均更生徒禁闥長孺是前薪心苦非搏石
言高觸秉鈞苟無光日照蚤與禦魑鄰被薄焚香夜
盤空前韭春孤危仍不恤溘死又誰論籥櫜今無兩文

章古與倫廟堂虛讜議館閣重詩人昔試儒家法招徠
觀國賓登茲一片玉忝作九方歎晏笑鋪筵會潺湲擊
袂辰江湖漂擊擢霄漢望拖銀遠慰空庭目時烹尺素
鱗病羸增復減兒女學兼姻任道誠無負論交亦有神
祝雞從廢墜乘驥又遭連宇宙宏才少風霜往迹陳蒼
生卒何望青史豈終淪

題宋院畫林檎孔雀

風舉高枝露葉乾明花暄日鳥情歡世間好處憐儔侶
翠尾張屏盡意看

張呂環選勝圖

何處龍眠勝無如太傅墳嵐光千嶂合泉響四邊分前
月吾行至春風鳥獨聞只憐烟月暝幽絕不逢君

謝蘊山方伯得晉永平八磚以爲研作寶研圖圖
中三子侍

琢磨新試麝煤烟委臥荒榛幾幾年匣研寶貽安石後
甄泥事在永和前列階才已成三秀入院聲應嗣八磚
便爲越中誇故實不須零瓦問甘泉

蝮蠃靈澤夫人畫像

墀維大耳紫髯兄螭首帷中與論兵英氣不隨興廢盡
危磯時蹙怒濤聲

中興天子得成家撫鏡佳兒祀麗華原廟一顏霜露冷
不如蘋藻奠江涯

汪蛟門少壯三好圖康熙問題詠數十家今藏秦
編脩敦夫處屬題其末

世間嗜好總雲烟差有風流翰墨傳長卷展窮階蔭轉
強將衰病附前賢

題釋果仲詩

蕙業何嘗不可珍研思處處闢清新寒山拾得誠難企
正作人間休上人

祝芷塘同年惠書併以新刻詩集見寄復謝

浩蕩君才江漢浮魚龍沙石盡從流豈徒小我吞如芥
更使前賢放一頭集鳳文章遺舊省垂虹煙水澹新秋
圖書跌宕應忘老莫爲悲傷歲月逝

查篆僊

淳

於揚州訪得其族二瞻墓荒翳幾盡爲

脩整種樹立碑旋獲二瞻舊硯於僧舍自紀以詩
屬繼作二首

一團紫壁墮僧扉無復蛟龍引墨飛百歲白虹重吐氣
更從濡染瀉珠璣

形骸石硯孰爲親一臥荒郊一几茵梅壑有靈應附此
諸孫門內接詩人

二瞻號梅壑老人

爲胡雒君題說經圖二首圖三人一雒君一錢晦
之一陳仲魚

遺經殘缺在人間已墜斯文不復還一髮千鈞餘傳說
九州三子尙追攀孝廉郡國同推舉吳越溪山共燕閒
若使老翁參坐論頻遭奪席也欣顏

聞名吾未識錢陳應是東南兩俊民最憶半生同研席
獨誇胡子出風塵文章經術元同貫場屋徵車總致身
他日 聖朝論白虎三君誰是著通人

蘇州新作唐杜公白公宋蘇公祠於虎邱嘉慶戊
午八月鼐及陳方伯諸公遊宴祠內作四絕句

柁樓吳越壯遊年遺佚編詩歷下前惟有高祠照寒水
文章千古寄雲烟

文采風流竝世芳蘇州德業獨難忘激波五宿渾兒戲
政使微之羨此堂

端明過迹亦囟囟遺像高樓醉面紅記取樓頭看塔影

小山叢桂正秋風

獨餘叢桂小山幽東坡爲虎邱詠也
時祠前桂花極盛

草堂橘刺藤梢裏官閣清香畫戟中繼蹟白蘇賢將在
老夫乘輿便遊東

穹窿山真一觀

山前雨歇日初升盤道穿松出霧登匝地湖光連海曲

垂天雲影落吳興遙遙上古思蟬蛻澹澹秋空縱鳥憑
周覽使辭高閣下幾時重宿看神燈

鄧尉

盛衰人事總無常鄧尉梅枯半作桑賴有山川長不改
倚欄依舊見漁洋

古柏巷

高榦枝稀似立虬裂柯橫草翠還抽七株嘉慶三年看
更歷人間幾百秋

石湖草堂

昔爲祠宇記今訪石湖園烟水長如此風流向古論堂

閑懸石趾潭隱曲巖門滿谷芳幽挂虬枝誰與援

楞伽寺

上方雲氣上寺塔上方巔杖策層層石凭欄面而天
翠華嘗駐此丹閣故依然吳越吾初到微茫眺海壖

東浦方伯邀與同遊西山遍覽諸勝歸以二詩呈
之

南北吳山又越山排雲點黛洞庭間乘舟秋水大空闊
拄策高巖徑曲環石谷漫泉斟乳液琳宮殘碣剔苔斑
歸來夜夜餘清夢攜得烟霞到市闌

海內詩才各長雄幾人真嗣浣花翁草堂鶩鴨聊空我

碧海鯨魚卻付公
松石相看懷舊日
烟雲同泛又秋風
極知老邁斯遊最
便腐柔毫寫未工

謁德馨祠

先人莅政浙江潮
廟貌湖山鎖寂寥
近日守官新檻楯
百年父老戒蘇樵
青編史傳悲思極
白髮秋風道路遙
遺像幸瞻垂老日
獨慚無狀負登朝

登松篁嶺酌龍井泉與吳江郭頻伽朱鐵門及持
衡同遊及暮乃返

天宇青蒼秋氣悲
松篁嶺上挂藤枝
西湖烟景當巖下
北宋風流似晉時
龍井甘泉長不滅
虎溪送客竟何之

幸逢佳士聊盤倚，悵望西林隱半規。

虎跑泉觀東坡詩刻

神功虎穴作龍湫，乳竇杭州與潤州。一勾寰中尋廢寺，廿年招隱記閒遊。才誇新句蘇夫子，已誤前身戒比丘。飲罷清甘應有悟，高巖風葉墜當頭。

城隍山

秋風吹蕩亂雲開，曉踏吳山頂上來。左右江湖遙會合，東南天地此徘徊。宋宮衰草烟中白，滄海驚雷勢盡迴。都邑且誇今日勝，趾前城郭抱樓臺。

曉過蘇隄作

蘇公隄畔綠烟堆行上澗波似鏡開秋柳霜風餘旖旎
水亭金碧略領頽浙東峯影遙空見湖外鐘聲四面來
更入南山深處住擬將淨社結宗雷

將去杭州項秋子壩邀餞余及持衡於其宅同會

者孫心醇侍講效會孫貽穀觀察嘉樂潘蘭垞道

長庭筠以一詩畱別諸君

絕境東南偶杖筇西湖十臥寺樓鐘無邊風月隨千里
不盡溪山任萬重樽酒偕來尋舊夢雲帆何處計前蹤
世間那有長相對畱語天涯慶此逢

戊午八月廿六日過蘇州囟囟一詣虎邱後二十

五日自杭州回與馬雨耕及持衡重往竟日登攬
因題八韻

虎阜前朝寺蜂房四面樓檻前山杳杳巖下水悠悠負
海帆斜出生烟郭正浮地標鈴塔峻天納劔池幽捨宅
希塵外開堂問石頭樹凋吳苑綠雲是晉時秋一慕莊
嚴界重經澶漫遊不隨零落候金粟爲余畱

別張慕青吳竹堂兩同年

此身千里一飄蓬來值姑蘇兩寓公宿草堆中思故侶
菊花樽畔賸衰翁各隨署膝尋山好莫苦心脾索句工
盡醉便將孤棹遠胥江西上水浮空

無錫贈王錫公

吳山秋色舉杯前
各醉人間七十年
一別相逢應更少
只今同酌惠山泉

宗人無錫半塘令君置酒寄暢園漫成一首

九龍山下好園林
雲物秋來澗戶陰
迴棹江湖孤客迹
舉杯風雨故人心
青蒼石樹凌空色
隱見巖泉注壑音
此地買田陽羨近
總將遺跡付登臨

丹徒值雨夢樓邀挈持衡及江鳴韶同遊焦山登東昇樓

滄江僧榻壓龍宮
二十年前一宿同
偃蹇青山長待我

飄蕭白髮又乘風
檻前萬頃凌天外
樓上千生說夢中
何事驚濤翻急雨
苦將悲壯撼衰翁

題花塢夕陽遲圖

誰辨韶光速與遲
無情有態問花枝
分明義御長停處
正在凌雲一笑時

張惺齋見示先贈侍讀公西阪草堂集輒題一首
數卷清風迥出羣
正如縹緲敬亭雲
宣城古是詩人地
張氏才多奕世聞
踰嶺奇遊蘇玉局
登樓傷別杜司勳
道家獨恨升堂闕
聊比中郎誌郭君

方均堂

昂

以巡道提調南闈被

詔擢貴州按

察使僕適遊吳越逮其出閩不及祖餞以一詩追

送二十八韻

千山百越郡萬里五溪源地遠開都會才難任榦藩

皇仁同近輦使者命乘軒道狂儒生勇人依執法恩繡
衣將日月襪被共朝昏一夕朝青瑣三年住白門

帝咨方略盛民戴德風溫涕泗秦淮水徘徊禁掖垣遙
歸期仲甫急病且臧孫帆泝三江上塗窮五嶺浪秋風
彭蠡鴈落日洞庭後志壯行無繫時艱事有原楚郊嗟
獸駭蠻洞聚蠡屯太乙迴西指將軍據右尊風雲霾戰
壘歲月未囊鞬封事參降畔夷情雜詐諛喬良今屬汝

頗牧不須論辱好如昌歎瞻風接芷蓀烟開江總宅草
長謝公墩半榻棲荒寺聯裾訪廢園極知東壁蟋豈偶
北溟鯤適越才開艇興賢正閉關盤遊淹帽履情好隔
筵墳想像登車節乖違祖帳罇丈夫矜大志兒女謾銷
魂國伐書金鼎田家醉瓦盆所欣光事業非僅賴平反
寄望天涯路因歌江上邨

阻風三山夾因偕陳碩士及兒姪遊三華菴菴內
牡丹頗盛而僧不知惜也

巖松塢竹俯江皋小檻憑虛散鬱陶南障近圍春穀縣
東風遙送廣陵濤堂無鐘梵從僧嬾徑有苔蹤記客勞

冷落國香聊與慰午晴扶向石臺高

又寄方植之一首

草青雲碧接屏顏一徑深林記共攀步屨只如前兩歲
停舟仍在上三山巖空松響含風急春盡花枝著雨殷
寄語閉門千帙畔夢魂曾否到江關

哭陳東浦方伯三十二韻

自古思賢傑因時各長消孤生情易感偶合興嘗饒老
我依經肆逢公駐使輶一從捫蝨話屢歎阿龍超九牧
分潛霍三江帶射洮憂勞中野瘠甄鑄在城佻移轉

天書重周流水國遙紫闈遲覲履白旒促歸鑣士尙

崇三肄民懷奉六條縱非情合契應惜韻孤標昨歲舟
同載秋林葉始凋登臨雲漠漠唱詠水迢迢山勢蟠吳
越天風送汐潮援豪昔賢慕解帶野僧寮文字鈔榛碣
泉源酌木瓢乾坤孤過客今古一終朝北闕求衣切
西垂擲甲歎殷憂分聖代得佐豈虛朝未竟銘鐘鼎
徒思芟瑋瑤龍髯雲去路鶴語雪寒宵秦杵俄停相
虞廷正罷韶滄洲浩浩空宇氣寥寥六代烟霞郭
三春士女橈神徠靈雨冷迹在綠蕪蘇車斗容凡物堂
階切久要敢云當虎眈深辱好蟲雕江月今弦魄吳颿
舉過船出迎周士披哀和楚巫簫貽厥爲箕近恩斯作

室翹故人留白首賢子尙青霄盡此平生痛從今道路
遼陳詩動冥漠帷帳颯風颺

孫淵如觀察

星衍

萬卷歸裝圖

自興雕板易鈔胥帝冊雖多亂魯魚君自石渠繙七略
復依官閣惜三餘世推列架皆精本我願連牆借讀書
政恐衡山承召起牙籤三萬又隨車

惜抱軒詩後集

古體四首

九容圖歌爲王鎮之中丞賦

九容者編修歛程晉芳魚門工部郎昌平陳本
忠伯思禮部郎仁和沈世燁南雷檢討歷城周
永年書昌潮州知府錢塘景江錦澱江御史興
化任大椿幼植御史昆明錢灃南園御史豐潤
鄭澂秋浦與今安澂巡撫井研王公汝璧鎮之
於乾隆壬寅癸卯間同聚京師作是圖

人才最盛乾隆時磊落九容鬚眉奇中丞示我使我思

伯思少日吾早識繼識魚門與幼植官於禮部遇沈郎
錢君吐文五色章我見奪目貢玉堂是年因識周書昌
景鄭兩君吾未見但聽聲名知國彥我去燕山歲月侵
江邊再遇沈與任後來但聽懸歸旄一別天涯涕淚深
惜哉諸客今零落萬里秋風餘一鷗中丞獨立凌江郭
當年九客居京都寫摹同氣爲之置置內中丞方盛壯
今日霜華凝鬢上况復衡門老禿翁夢寐平生惟惻愴
接滕他鄉理必離寫真佳士神恒王九容高才世所珍
中有直節高嶙峋既沒不朽真諫臣流傳文筆皆千古
寥落弓裘得幾人天留一客康世屯中丞貴矣而能貧

野樹蒼山秋復春，披褐作領容耆民。尺圖千載傳不泯，亦可髣髴於其人。

左蘭城見寄古銅器謂之洗非也，蓋刁斗之小者耳。所容不及一升，戲作一詩。

古鏃如斧柄而足，今之至者形乃同。晝炊不飽壯夫腹，夜擊猶警罷士躬。想從營車入雲壘，白草龍沙踰萬里。行色終辭馬足塵，清風却傍罽書几。君不見緩帶賢無挽，強力升米不能盡。一食磊落寸裹包，武庫粟姚萬騎隨。麾斥但持此器出，蕭關虜公自勒天。山石又不見惜翁，衰老將盡年見此。雖小亦嗚然，挈取山行煮野菜。擊

歌聊和採芝篇

銅鼓歌

蠻夷作銅鼓豈欲遺中原酋豪勢有衰守器非子孫想
其鼓彙初巨電流山樊范金當冒鼉積環固無痕峒溪
春秋會祈報進雞豚聲震歌舞中斑衣伏尻髻一如沅
湘俗會鼓迎東噉一旦敢旅距跳梁集猿獫邊微有駭
鼓使我吏士奔今日幸清晏博古收彝尊旁及異方物
設簾陳階軒丸墮中嚴節參撾有吏禪讌集雜是鼓鏜
翰旬雷門道隆舞傑侏世亂糅羗渾所願張祝守撫懷
兼威恩考擊聊自娛終不驚塞垣毋致馬伏波雙鑠居

軍屯嗟彼銅馬式不若下澤轅

吳小僊巖棲道侶圖

高巖接天豁巖腹洞口垂蘿蔭巖木巖中有客忘歲年
但見花林果新熟下有解角初茸之巖鹿人世苦炎熱
幽谷寒凌膚寒熱不受兩丈夫偶坐意到羲皇初前跪
者誰子捧桃上獻何區區山中寧有僕與奴將無就學
從門徒或疑二客沈冥道未至猶有光氣驚巖隅遂令
山鬼敬尋迹來相掄吳生作畫如草草逸氣迴出人間
少我披此圖中繚繞世間豈乏此巖谷嗚呼圖中人以
命仙佛縱不足俯視塵寰真碌碌

近體

嘉慶辛酉十二月二十日訪方天民於龍眠

寒空欲雪雨霏微
草逕孤筇傍石磯
碧玉山圍修竹宅
梅花時扣故人扉
蒼茫舊事談塵劫
寂歷新詩近道機
更約小桃紅破後
來餐春澗蘼芽肥

壬戌正月四日有懷天民

愛君深谷結茅茨
擁座梅花千萬枝
貪就子雲論字久
其如元亮欲眠時
松杉蔽徑才通澗
風雪空山獨咏詩
容有一函來見訊
樵夫擔出白雲遲

八月十四日與胡冠海左叔固張禔喬秦榮共於

雙溪觀月

萬松堤俯石潭深，挈榼攜筇更一尋。
月自峰頭開碧宇，人於露下坐青林。
歸樵寂寂時穿逕，涼吹蕭蕭每入襟。
勝地良宵何所語，水流山峙總無心。

重陽復宿雙溪

人間何事與衰翁，惟有溪山興未窮。
杖履來頻雞犬識，雲霞臥與夢魂通。
朝來霧霽千巖綠，檻外霜初一樹紅。
我老諸賢年尚富，總毋零落感秋風。

太傅懸車作此堂，寶書中霑奉仁皇。
松杉圍較當時大，棟宇存因後嗣昌。
近閱百年天迅速，遠思千古事蒼蒼。

茫吾生但快親交會又把茱萸盡舉觴

嘉慶八年九月二十二日馬雨畊邀遊雙溪是日

爲雨畊七十初度作一詩呈之

萬疊蒼山雨白頭清霜錦樹照深秋松巖雨逕交行屐
苔石風亭醉掩裘世上敢言槃澗大樽前差幸役車休
幾人七十能强健况得相從物外遊

題孫節愍武公先生鄉試被放後詩冊

才子聲華義烈雄偏安又見失江東時當傾覆千城後
身入孤危一旅中朝燕無名惟士氣軍師謀敗值天窮
平生不遇寧無感非謂齋咨在一躬

甲子夏日遊草堂庵

此生差遍歷精藍顧惜西山近未探深入密林寒夏景
履行飛瀑上層嵐舉觴共念鷓啼晚拄杖聊欣鶴骨堪
留與兒童尋故迹九年四月草堂庵

題許令君還雨齋集二首

鴛湖繼武一詩人懷古思鄉別有真憔悴青山江水上
誰知白髮唱陽春

踟躕山下酒盈樽陶令官休倚菊園詩境澹如秋水遠
不教哀怨和啼猿

題庚午同年通州馮甘浦采樵圖

草屨擔樵入亂峰寫圖猶是少時容
低回五十餘年夢柯爛青山不可逢

題夢樓手蹟

重到金陵失舊歡江山蕭瑟麥秋寒
谿藤兩幅銀鈎字又向山陽笛裏看

次韻答李齋生二首

少期學古老逾遙冗闕人間敢樹杓
堦闈靜中聊隱几江湖隨處與停橈
形骸有幸留衰白文字無功謝琢雕
猶蓄狂言思一發青楓魂夢與君招

淮南饑歲奈愁何湫隘貧官感倍多
精衛漫銜填海土

鸞鳳自上覲天坡談經草長先生帶混迹流隨舉世波
一夕吟詩渡江岸僧廬幽處擬同過

遊隱仙菴二首

我來重值桂花期白髮青山載酒卮物候榮華誰作使
人生天地偶棲遲舊遊行輩成千古問訊知交又一時
早識今宵亦陳迹當筵笑口合題詩

衰慵自分百無堪賴有羣賢勝共探幾度花閒醉花下
三年江北憶江南斜陽曳杖行黃葉明月聞鐘轉碧嵐
最愛交枝橫曲逕隨園西到隱仙庵

門人談承基吳剛周承祖阮林邀遊攝山宿般若

臺二首

共邀衰弊入秋山絕頂峰高不可攀怪石自穿雲片片
暗泉時遶逕潏潏霞天岫遠層開碧林谷霜初小作斑
我卧更欣諸子與宵分聯步月巖間

春林花落鳥喈喈記別山堂下佛堦歲月老真催竹箭
霜風秋更踏芒屨珍臺翠壁開千仞松響泉聲合兩崖
此地故人生死隔舉將禪衲亦傷懷

往年屢與王夢樓宿此院

過章淮樹故宅

昔招詞客會華堂爲出金釵十二行乞取濡豪書便面
度將繁曲勸深觴門頻畫采迎新室有披緇就法王

重到西園苔逕綠春風猶舞舊垂楊

頤澗賚焦山拓銘圖

焦山寺裡隨僧粥枯木堂中看古文三客兩亡餘有僕
百年幾盡忽逢君校銘欣得聞京兆載酒常當問子雲
却使卧遊生遠想海門東眺碧天分

乾隆丁酉與蔣春農王禹卿同宿焦

山觀古門

題鐵制軍籌海圖

持橐嘗從漢建章擁旄全督禹徐揚內憂鴻羽勞中澤
外鎮鯨波瞰大荒星月夜懸籌筆幕風雲晝護建戈櫓
歸來更就論經席巾卷諸生似堵墻

同年張涵齋薰見過劇談濡筆作記奉讀感歎因

酬一首

秋陰空舍草縱橫同照衰顏酒一盛豈任斯文稱後死
追思往事似前生光同秉燭衰年學澹若浮雲閱世情
弄喜故人堪作健劇談猶吐氣崢嶸

題洪稚存遊歷圖圖十六幅末學圓種梅二事其
在伊犁時事也

迹登海內名山徧身向天涯絕塞窮種菜便判遷客老
看花敢望故人同玉關生人承優詔講幄遙思更竭
忠我昔翰林曾著論對君悲喜叙愚蒙

衣冠容貌昔賢存
展閱增恭况子孫
此卷更教千百載
長留故事在吳門

題陳嵇亭工部鶴桂門圖

編籬植援桂爲門
中置藜牀道自尊
縱使淮南好仙術
淹留無計致王孫

屢於楊存齋宅觀牡丹呈一首

白下名花處處栽
迎風灑露倚亭臺
不知盛事終何日
且慰衰顏又一回
多品君家遲共早
惜春吾迹去還來
未須分別矜奇種
總與留連覆渌醅

題趙甌北重赴鹿鳴圖

六十年前幸附君見君登第應卿雲
禁闈持橐猶瞻近
滇海分符遂離羣見說懸車耽撰述
極思操筆接清芬而今起冠嘉賓會
何意工歌又共聞

綠髮諸郎並白頭同承天澤賦鳴吻
先生人瑞真麟鳳下走才微一燕鳩
敢道與君成二老與逢此會亦千秋
却悲舊日同登侶原隰霜零不可求

謂鐵松蓬觀兩兒

寄趙甌北

一尅歸期不可留送君籐杖已登舟
候門定樂孫曾繞望遠其如故舊愁
重合周應稱吉語計年良是事奢求
祇欣巨集添新卷健筆凌雲勝黑頭

輓周東屏總憲

西蜀名家世正卿，摛華弱歲早知名。
麟洲最覺邇邇久，烏府終持憲紀平。
近日賢豪皆隕落，中朝人士感哀榮。
况餘白髮滄江叟，空憶星帟過舍情。

題汪星石記事圖

美君從宦縱遊遨，屣輕衫向近郊。
吳苑酒香初罷獵，錢塘潮湧對登高。
衆推才簡如麟角，自寫襟期染兔豪。
一悟雲烟無住著，獨澂心月謝塵勞。

道院素食對牡丹觀前賢遺墨數幅

碧玉根鑿白玉脂，驚雷一夜出金芝。
春蔬故勝雞豚味。

不爲寒酸菜肚宜

低徊往迹感猶新安得前賢共此辰
消受落花春盡雨
天香寒滲白頭人

壬申四月朔陳薊莊招遊隱仙庵承和題庵中舊
句奉酬一首

青溪水長君初到紅藥花開我共探
昔畫三君傳頽上
今逢季子在江南餘春澹蕩添新綠
細雨冥濛閉衆嵐
安得世間幽絕地常教相對竝茆庵

授經圖爲汪孟慈題

僕昔遨遊翰墨場逢君先子在維揚
精勤力徧紬金匱

毀敗書終隔禮堂英時百年埋馬鬣清標兩世見鸞翔
偉將繼業名當代欲盡頽齡尚一望

乾隆戊寅冬見凝齋先生於南昌今五十五年矣
薊莊舍人以遺像見示於金陵因識以詩成六

韻

昔至洪州郭曾瞻長者顏論言尊學側賞會水雲間
蝸舍千餘里烏輪五十環遺編升館閣封斧遂邱山
季子今賢俊江城值朽頑風儀重展對悽感記追攀

題方葆巖尙書青溪放棹舊照

少日春風縱畫橈丰神已見阿龍超乘槎西遡河源外

攬轡東逾海國遙，却返青溪尋舊迹。終圖
紫閣許

熙朝與公晚，值吾今慰展。卷平生接冠髻。

戲題馬雨畊紀夢詩後

夢幻無端寄寢興，夢中占夢又何憑。君來說夢吾圓得，
長晝焚香請曲肱。

題沈后南楓落吳江冷畫

紙上風生已颭然，數番楓葉落江邊。老翁閉戶無詩思，
猛觸清愁二十年。

題畫菜冊

晚菘早韭各乘時，露重霜初併有宜。菜肚先生聊自喜。

不須傳與里豪知

題沈石田吳山圖卷

孤棹平生記一經
吳山南對越山青
朝來三萬烟波頃
十笏齋中接洞庭

偶然濡墨寫胷中
不覺荆關指下通
欲識禪宗無學處
畫家證取石田翁

章渠濱及琴僧晴江度曲偶成一絕

老翁聵聵欲無聰
簫客琴僧坐上逢
欣與羣公同屬耳
晴軒風靜喚初冬

題甘夢六桐陰小築照

室可催成種樹難疎桐差易出簷端不須早計思爰伐
只愛清陰覆座寒

新萸秀出承春露鉅葉聲乾墜早霜但坐小軒參密諦
了知聞見總清涼

題孫淵如青山莊訪古圖

曾聞綺席集華軒倏見衰林俯斷垣杜老自偕高李客
輞川非復宋王園英才黃土今埋骨往迹青山憶斷魂
我與披圖同一歎江南烟淡謝公墩

題朱嶽雲麥浪舫圖

柳堂春水源源活花塢芳條歲歲添小築天人合作勝

倚闌鍾阜碧當檐

道人詩思絕氛氳
自作桃源傍近郊
風雨吟龍江振戶
霜天棲鶴月當巢

題寒石長老吾與庵圖

山遶支硎記一探
却無問法入茅庵
想今伸得山僧指
數點峰青在戶齋

題戴夫人詩集

文籍先生有婦賢
奉湯侍疾曲肱邊
雞鳴問旦真恆事
束帶終宵遂歷年

總角多時與授詩
未嘗含怨道閨斯
他年流涕玉褰憶

最是燈寒欲地時

吳中三賢像

三賢者范少伯蠡張季鷹漸陸魯望
龜蒙

鳥喙猶能用士豪功成祇畏作胥濤
居陶三富猶蛇足
一往烟波故可高

一夕秋風起洛陽中原零落各飛揚
江東王謝皆僑寓
正遜吳人守故鄉

青山影澹水波風笠澤詩筒並釣筒
割席自裛皮學士
高人何病沒蘆中

題方式亭詩冊

出岫凌空澹澹雲
譬將清思吐氤氳
宜春山水歸新詠

京洛風流述舊聞著屐每經余往迹題襟多有昔同羣
年徂夢斷嘗懷感珍誦瑤編幸遇君

題齊梅麓梅麓圖卽送其歸里

西清初入復思家泛棹晴江水暖沙春到深山須一月
君歸繞舍正梅花碧潭清照香猶冷修竹陰遮影忽斜
早暮一樽珍重看明正風雪又京華

題嚴翰洪一發獲雉圖

獸肥草淺試雕弓射獵詩書一歲同馬上少年今老矣
霸陵風景畫圖中

題朱魯門拈花照

八方麾蓋著膚公一室團蒲見道風莫作兩般膺背判
智珠運處得毋同

幾人參學問楞伽辛苦終身不到家何似低頭成一笑
春風開出手中花

題戴淳授經圖

老儒辛苦保遺殘少女聱牙講授難所歎服膺終不得
智囊心自屬申韓

嗟余簫瑟一衰翁敢望傳家及湛隆劣見女長裁褐襦
展圖空仰漢儒風

題萬壑松風圖

昔住黃山麓數旬仰瞻天際碧嶙峋遙思萬壑吟松處
容有千年餌木人我老而今空見畫君閒他日必尋真
會知廣樂鈞天響長託雲峰動甲鱗

題李竹君青溪垂釣圖

青溪幾曲入秦淮絲竹聲繁合兩街獨把釣綸尋野徑
蕭然箬笠與稷鞋

題李紉秋桐陰讀書圖

自植修桐數畝園綠雲清氣接開軒霜風忽掃庭前暑
更愛讀書秋樹根

我欲秦淮結草廬十年種樹計何如只宜步履家家竹

似此圖中合有余

補遺

咏白杜鵑花

草沒朱提古帝家，傾城餘恨獨橫斜。
空山淡月銜孤影，江水初波送落花。
掃燼青蕪迷故國，霏微白雨怨天涯。
後庭誰唱當年曲，玉樹飄零幾歲華。

咏蠟梅

亭亭芳樹暗彫年，脉脉明花靜素烟。
寶粟鈿簪圍紫玉，金釭銜壁見連錢。
輕寒翠幕重陰院，殘照朱樓未雪天。
往日吳宮佳麗地，嬌黃零落有誰憐。

題羅牧畫

怪木蒙藤亂石間
生煙引素蔽遙山
蒼茫野氣無人會
惟有昏鴉去復還

一如方伯秋山曙野圖

文章經濟出江東
曙野風流似謝公
保蜀功成身未返
也如航海計成空

吳越王投太湖龍簡拓本

成周河裏珪還出
詛楚淵中石復陳
太息滄桑千古事
洞庭龍簡讀鑄銀

喜左蘭城來居金陵二首

廿年枵散託秦淮祇與行纏木屐偕繞郭山谿容俯仰
聯鑣冠蓋盡沈埋傳亭易過誰爲主井竈粗安事亦佳
君若定居吾正願便鄰五柳接三槐

舊識堦庭近上皇又兼潔癖似元章韻生古澹琴書內
詩就精嚴几研旁元亮素心今定得右軍喜避意彌長
只愁興發翻鴉墨遍沆新居雪色牆

祝汪稼門七十壽

江漢東南接海濤都經賜履擁旌旌威風到處鯨鯢伏
定令頒時雨澤膏容態書生長不改勳名節使久逾高
潞公老有謨猷壯傳警蠻夷域外豪

生同鄉國夙情親
邨巷嘗邀作比鄰
草澤我衰餘馬齒
雲霄公上近
龍鱗野亭自隔元戎隊
嵩嶽惟欽降翰
神平格壽爲寰海
願私懷更近一盃春

題蕉園方伯照四首

平沙落雁圖

江邊蘆渚接沙汀
飛雁將停却未停
觀化迴殊塵眼見
撫弦方入太虛聽

泛月理琴圖

兩忘身手與絲桐
眞覺心同水月空
應笑江東謝希逸
苦將虛軫賦臨風

瀟湘水雲圖

山入湘南深復深
風林水石自成音
七弦寫得蕭寥趣
張樂軒轅會此心

梧葉舞秋風圖

秋來槭槭井梧乾
飛舞中庭弄薄寒
賴有清聲流鳳噉
高岡常作盛時看

徐晴圃觀察從軍圖

西南蝨賊昔稽誅
幕府徵賢逐虎符
風雨四岷籌筆地
雲霄千仞據鞍塗
靈臺偃伯今都靖
武庫程村舊孰逾
料得馬援灑酒會
幾番慷慨叙前吾

失題

千帆落日鱗鱗白萬壑秋聲葉葉黃每飯不忘京口酒
故人猶憶秣陵航

臘月十一日登北郊小山作

拄杖茸裘病鶴形雪晴風細出郊坳溪邊樹隱寒陽白
谷口雲開列岫青小嶂登臨容後死故人存歿感前經
近城勝地須遊數更擬營求置幔亭

詞

三姝媚

侍路川入都邀飲寓舍填此

思君江上路正天澹雲閒夕陽春水杜牧揚州任落花

如雪短簫吹醉喚客流鶯因甚勸一帆東起今夕相逢
只似當年踏槐情思早識清時有味問舊簿西涼一
麾誰寄把盞臨風看碧雲玉宇滿筵秋氣未老生前且
莫聽暗蛩愁砌起嘯殘宵寒月墮空烟裏

水龍吟

咏蘆花二首

楚江漠漠連天荻梢滿綴搖秋氣寒雲影外暮山低處
淡烟叢裏一色迷空短篷垂釣雪時仍記却蕭蕭挂冷
離離遶岸正船傍西風艤最是天涯倦倚憶湖邨霜
零洲背幾番夢到波生葉下月明千里料得涼宵江妃
思折一枝誰寄只送將去雁淒迷遙宿向寒塘水

誰將點綴汀洲盈盈裊裊和烟水染秋團冷將花略近
澹無情思林岼西風柴門新月江頭湖尾恁蕭疎一片
空明萬頃又短笛叢中起 正對滄波旖旎想伊人暮
天無際霜濃幾夜宿鳧影壓玲瓏秋碎又逐寒潮丹楓
紅蓼一般飄墜待枯莖更織疎簾映雪漫漁村藥

桂枝香

和鄭前村咏鄰家女子撲棗

西風繞舍望裊裊弱枝隔籬垂瓦正是新霜綴滿素烟
細挂才聽笑語憐紅小又長竿一聲飄灑鬢鴉何處筠
籠應滿夕陽漸下 笑杜老清詩漫寫怎忘近邨園桑
柘幾度分甘兒女故人情話綠牕榛栗方同薦數於今

授衣近也天涯知否東隣緘月新添林罅

臺城路 咏秋蝶

粉墻翅底尋芳處栩栩夢回情老冷露垂乾微陽烘煖
一逕西園重到寒枝自抱恍穿入深深壓簾春曉甚又
驚飄却和輕葉墜霜草 流年偷換漫道雙飛經幾度
而今黃了砌暗蘭衰籬荒菊瘦故侶相逢應少樓陰靜
悄正欲向東家又依殘照倚檻誰看滿庭風嫋嫋

長亭怨 咏殘蟬

乍聽得玉簫波上落葉涼森一聲哀曲遠睇空亭正餘
寒蛻抱殘絲露餐烟宿會幾度孤吟斷續別剩傷心却

付與斜陽疎木 幽獨綺樓深院
伴石榴紅 感楮宮舊恨暗擁鬢
一雙如沐 又隨他月扇團團
被五夜西風催速 只篆刻愁魂
寫怨宮庭敲玉

琵琶仙

東問滌川微疾

蟾魄天涯看仍似 挂出揚州秋碧
憑問枝上棲鳥何當共 踪跡才別了
紅燈翠幕 西風也早欺涼席 料得宵來
紈衫月露羅韞 堦石 恁輕與留滯
琴書算何似漁郎泛江宅 問訊茂陵
須聘慰相如岑寂 却又被桐君碎錄
苦伴人客枕 將息剩有鄉夢 回時
膽瓶荷白

定風波

進响堂將入都

最多情折盡垂楊絲絲依舊縈路冷夢青蕪醉魂黃葉
記送君歸處綠牕人疎影句轉想天涯甚情緒拚與儘
春山無伴流鶯同住碧烟弄縷乍隨風又拂清淮浦
恁波生雲鎖天長路濶人共江鴻舉待爲君酌芳醕掬
取金波浣空霧衣屢料應猶帶杏花春雨

詞學以湖中爲盛余少時嘗傲焉一日嘉定王鳳喈
語休寧戴東原曰吾昔畏姬傳今不畏之矣東原曰
何耶鳳喈曰彼好多能見人一長輒思並之夫專力
則精雜學則粗故不足畏也東原以見告余悚共言
多所捨棄詞其一也旣輟不爲舊稿人多持去篋中

至無一閱虬御甥今以此册相視恍惚如隔世事其
詞則丙戌丁亥間作也今幾四十年聊題歸之並記
太常所見譏者真後生龜鑑也嘉慶九年正月識

先君惜抱軒詩集十卷嘉慶戊午年刻板行世近
十餘歲間有題贈酬答之作往往手寫付人不自
留稿嘗曰詩道非一端然要貴有才氣人年衰則
才氣多隨而減故吾年七十以後不復常作詩矣
雉

日侍案側見有所作輒私錄成編至乙亥歲
先君乃見而刪去三分之二蓋其不欲多存如此
然雉私謂歲月方長雖先君意不欲多存而集

後之詩可私錄以積成卷帙嗚呼豈意遽止於是
哉今僅得古體四首近體八十四首其間咏白杜
鵝花蠟梅二首實少時所作不欲自存者青浦王
蘭泉先生歎賞而勸存之今輒取附近體而爲人
書扇題圖舊失其稿而今始得者亦附後焉詩既
少不克分卷僅合詩餘八首刊一卷附詩集後曰
惜抱軒詩後集外有文後集十卷筆記十卷今皆
繕寫讐校旋盡刻以公海內云嘉慶丙子夏六月

男雉
謹識